



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

«18» մայիս 2023թ.

ք. Երևան, Ս. Դավթի 87Ա

ՈՐՈՇՈՒՄ N 2000-1-Ա ՎԱՐՉԱԿԱՆ ԱԿՏՆ ԱՆՎԱՎԵՐ ՃԱՆԱՉԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս, քննարկելով ֆիզիկական անձ Արտյոմ Ռուդիկի Ղափանյանի վերաբերյալ վարչական վարույթի նյութերը,

ՊԱՐԶԵՑԻ

Համաձայն հարկային պարտավորությունների հաշվարկման վերաբերյալ թիվ 1055/2020/ԿՈՒՎ4/Ն տեղեկանքի (տեղեկանքը կցվում է) ֆիզիկական անձ Արտյոմ Ռուդիկի Ղափանյանի (ՀՎՀՀ՝ 80401057, հասցե՝ Շիրակ, Գյումրի, Լ. Մադոյան փ., 4 տուն/ չկատարված հարկային պարտավորությունը 15.06.2020թ. դրությամբ կազմել է 1.764.745 դրամ, որից հարկ՝ 1.726.081 դրամ, տույժ՝ 38.664 դրամ, որը հաշվարկվել է ֆիզիկական անձի կողմից Վանաձոր, Բաթումի փ., 26-1/1 և 26-1/2 գրասենյակ հասցեում գտնվող անշարժ գույքերը 2019 թվականի ընթացքում օտարելու արդյունքում՝ ՀՀ հարկային օրենսգրքի (այսուհետ Օրենսգիրք) 147-րդ հոդվածի 1-ին մասի 16-րդ կետի «բ» ենթակետով սահմանված կարգով:

Վերոնշյալ պարտավորությունը գանձելու վերաբերյալ 15.07.2020 թվականին կայացվել է թիվ 2000-Ա որոշումը:

Հաշվի առնելով այն հանգամանքը, որ ֆիզիկական անձ Արտյոմ Ռուդիկի Ղափանյանը (ծնված՝ 29.12.1972 թ.) ըստ ՔԿԱԳ գործակալության կողմից թիվ 12468-2023 գրությամբ տրամադրված տեղեկատվության մահացել է 19.07.2019 թվականին, իսկ ՀՏ և ՌՎ վարչությունից ստացված թիվ Ն/71-4/34815-2023 գրության համաձայն նոտարների կողմից հարկային մարմին չի ներկայացվել ձեռնարկատիրական գործունեության առարկա հանդիսացող՝ ժառանգված գույքի և ժառանգի կողմից հարկային պարտավորությունները ստանձնելու մասով տեղեկատվություն, ուստի առկա են բավարար հիմքեր թիվ 1055/2020/ԿՈՒՎ4/Ն տեղեկանքի հիման վրա կայացված թիվ 2000-Ա որոշումն անվավեր ճանաչելու համար:

Ելնելով վերոգրյալից և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի «բ» կետով և 65-րդ հոդվածով՝

ՈՐՈՇԵՑԻ

Ֆիզիկական անձ Արտյոմ Ռուդիկի Ղափանյանի վերաբերյալ ՀՀ ՊԵԿ իրավաբանական վարչության պետի կողմից 15.07.2020 թ. կայացված թիվ 2000-Ա որոշումը ճանաչել անվավեր:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

Կատարող՝
Իրավաբանական վարչության հարկադիր գանձման և
պարտավորությունների նպատարման ամպարիզման բաժին
Սեդա Ասատրյան
հեռ.՝ 010-309-191 (9127)

ԱՐՄԱՆ ՄՆԱՑԱԿԱՆՅԱՆ